

## Projekat razvoja tržišne poljoprivrede II (FARMA II)

Program pomoći američkog i švedskog naroda

### Informativni sastanak Konsolidacija uzgoja i prerade smilja u Hercegovini

Sarajevo, 15. septembar 2016. godine

#### PITANJA I ODGOVORI

- 1. Da li postoji prevod projektnog zadatka na lokalni jezik?**  
Ne, iz razloga što se očekuje da aplikant / podugovarač ima kapacitet komunikacije na engleskom jeziku, obzirom da se izvještaji dostavljaju na engleskom jeziku.
- 2. Kako se dokazuje 5 godina iskustva?**  
Dokaz je registracija firme, referentna lista i sl.
- 3. Da li će po ovom pozivu biti odabrana jedna ili više aplikanata?**  
Po ovom pozivu će biti odabran samo jedan aplikant.
- 4. Ko će imati prednost, da li je to aplikant koji ima iskustvo u implementaciji projekata po svim tačkama ili onaj koji ma više iskustva u samom uzgoju / preradi ljekovitog bilja? Kako će se vršiti vrednovanje projektne aplikacije?**  
Ono što je bitno jeste da aplikant ima kapacitet da implementira projekat, te da bude dostupan farmerima.
- 5. Da li više organizacija može zajednički aplicirati na projekat?**  
Može, s tim da je samo jedna od njih aplikant / nosilac projekta.
- 6. Objavljena su tri poziva. Da li smo limitirani da se prijavimo samo na jedan?**  
Ne, možete se prijaviti na svaki od objavljenih poziva.
- 7. Da li radi planiranja i specificiranja budžeta možete navesti okvirno koji je maksimalni iznos budžeta?**  
Bitno je da se troškovi predvide realno i u skladu sa aktivnostima. Traženi iznos neće biti presudan, bitan je plan, ko će raditi na terenu, koji eksperti će se angažovati (njihova stručnost, preporuke).
- 8. Na šta se odnose tražene kopije finansijskih izvještaja?**  
Pod finansijskim izvještajima se misli na bilanse stanja i uspjeha.
- 9. Na šta se misli kad se kaže dostaviti publikacije?**  
Publikacije mogu biti neki edukativni materijali koje ste do sad radili, a koji su relevantni za ovaj poziv. Publikacije takođe mogu biti neke prezentacije koje ste radili, a koje su relevantne za ovaj poziv, kao i prijedlog prezentacija koje bi koristili tokom implementacije projekta.
- 10. Na šta se misli pod Deklaracija o finansijskoj stabilnosti?**

To je jedna izjava koja se potpisuje zajedno sa dokazom da nema konflikta interesa. Postoje obrasci koji će potpisati aplikant s kojim se bude potpisivao ugovor.

**11. Kad je u pitanju edukacija, da li se projektom može finansirati oprema koja je potrebna za edukaciju, kao npr. laptop, projektor i slično?**

Ne može.

**12. Da se u budžet mogu uključiti troškovi koji su potrebni za izradu i štampanje brošure?**

Da, naravno.

**13. Kako se formira cijena, sa ili bez PDV-a?**

Na ukupne troškove se dodaje PDV.

**NAPOMENA VEZANA ZA BUDŽET:** Molimo vas da na ukupne troškove plata i nadoknada zaračunate dodatnih 2% na ime troškova osiguranja angažovanog osoblja. Ova praksa je obavezna za sve podugovarače.